

PRIJEDLOG

Na osnovu člana 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09 i člana 99. Poslovnika Općinskog vijeća Ilijaš ("Službene novine Kantona Sarajevo", broj: 2/10), Općinsko vijeće Ilijaš na svojoj redovnoj 20. sjednici održanoj dana, 31.05.2018. godine, donijelo je:

ODLUKU O IZMJENAMA I DOPUNAMA ODLUKE O UTVRĐIVANJU INTERESA ZA ORGANIZOVANJE I ODRŽAVANJE MANIFESTACIJE KULTURE, SPORTA I TRGOVINE "ILIJAŠKI DANI"

Odluka o utvrđivanju interesa za organizovanje i održavanje manifestacije kulture, sporta i trgovine "Ilijaški dani", broj: 01/1-02-968-3/14 od 29.04.2014. godine ("Službene novine Kantona Sarajevo", broj: 19/14) mijenja se i dopunjava kako slijedi.

Član 1.

Član 2. mijenja se i glasi:

"Načelnik Općine Ilijaš će svake godine posebnim Rješenjem imenovati Organizacioni odbor Manifestacije od 8 (osam) članova, koji sačinjavaju:

- Direktor JU "KULTURNO-SPORTSKI CENTAR I RADIO ILIJAŠ"-predsjednik
- Predsjedavajući Općinskog vijeća Ilijaš-član
- Pomoćnik načelnika Službe za prostorno uređenje i zaštitu okoliša - član
- Pomoćnik načelnika Službe za društvene djelatnosti i poslove mjesnih zajednica – član
- Pomoćnik načelnika Službe za saobraćaj, stambeno-komunalne poslove i građenje - član
- Komandir 7. Policijske uprave - Policijska stanica Ilijaš - član
- Rukovodilac Radne jedinice Ilijaš KJKP "Rad" - član
- Direktor OJ "Dom zdravlja Ilijaš" JU "Dom zdravlja Kantona Sarajevo" - član

Predsjednik i članovi Organizacionog odbora neće dobivati naknadu za svoj rad i angažovanje u Organizacionom odboru".

Član 2.

U članu 4. iza riječi Manifestacije sa, dodaju se riječi "finansijskim planom i".

Član 3.

Član 8. mijenja se i glasi:

"Ministarstvo prometa i komunikacija Kantona Sarajevo će na zahtjev Službe za saobraćaj, stambeno-komunalne poslove i građenje općine Ilijaš, u vrijeme održavanja Manifestacije utvrditi poseban režim saobraćaja, na gradskim ulicama u Ilijašu.

Radno vrijeme ugostiteljskih objekata u vrijeme održavanja Manifestacije je do 24,00 sata".

Član 4.

Ostale odredbe Odluke ostaju nepromijenjene.

Član 5.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02-_____/18
Ilijaš, 31.05.2018.godine

PREDSEDVAJUĆI
OPĆINSKOG VIJEĆA ILIJAŠ

Mahir Dević, prof.

O b r a z l o ž e n j e:

I - Pravni osnov

Pravni osnov za donošenje Odluke o utvrđivanju interesa za organizovanje i održavanje Manifestacije kulture, sporta i trgovine "Ilijaški dani" sadržan je u članu 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) kojim su definisane nadležnosti Općinskog vijeća i u članu 99. Poslovnika Općinskog vijeća Ilijaš ("Službene novine Kantona Sarajevo", broj: 2/10) kojim su definisani propisi koje donosi Općinsko vijeće.

II - Razlozi za donošenje ove Odluke

Razlog za donošenje ove Odluke je donošenje Odluke o organizaciji Jedinstvenog općinskog organa uprave i posebnih službi Općine Ilijaš, broj: 01/2-34-666/17 od 22.03.2017. godine ("Službene novine Kantona Sarajevo", broj: 13/17), kojom je utvrđena organizacija Jedinstvenog općinskog organa uprave i ostalih općinskih službi općine Ilijaš u okviru kojeg se obavljaju upravni, stručni i drugi poslovi koji su zakonom i drugim propisima stavljeni u nadležnost općinskih organa kao i upravni poslovi koji su federalnim, odnosno kantonalnim zakonima preneseni ili delegirani na Općinu, organizacione jedinice službi unutar jedinstvenog općinskog organa uprave kao djelokrugu njihovog rada i način rukovođenja. Navedenom Odlukom uspostavljena je Služba za saobraćaj, stambeno-komunalne poslove i građenje, te u skladu sa nadležnostima Službe neophodno je uključiti i predmetnu službu u Organizacioni odbor Manifestacije kulture, sporta i trgovine "Ilijaški dani", koji sada broji osam članova i koji su vezani tačno za osobe koje obnašaju određene rukovodeće dužnosti.

Dopuni člana 8. Odluke o utvrđivanju interesa za organizovanje i održavanje manifestacije kulture, sporta i trgovine "ILIJAŠKI DANI" pristupilo se s ciljem da se prije same manifestacije stekne uvid o potrebnim finansijskim sredstvima za realizaciju programskih sadržaja.

Predlagač Odluke o izmjenama i dopunama odluke o utvrđivanju interesa za organizovanje i održavanje manifestacije kulture, sporta i trgovine "ILIJAŠKI DANI" je Općinski načelnik shodno odredbi člana 113. Poslovnika Općinskog vijeća Ilijaš ("Službene novine Kantona Sarajevo", broj: 02/10 i 18/15).

Obrađivač Odluke je Služba za društvene djelatnosti i poslove mjesnih zajednica Općine Ilijaš.

Donošenje ove Odluke nije planirano Programom rada Općinskog vijeća Ilijaš za 2018. godinu ali njeno donošenje se pokazalo neophodnim radi usklađivanja sa Odlukom o organizaciji Jedinstvenog općinskog organa uprave i posebnih službi Općine Ilijaš, broj: 01/2-34-666/17 od 22.03.2017. godine

Predlažemo Općinskom vijeću Ilijaš da Odluku o izmjenama i dopunama odluke o utvrđivanju interesa za organizovanje i održavanje manifestacije kulture, sporta i trgovine "Ilijaški dani" donese u predloženom tekstu.

Na osnovu člana 55. Statuta općine Ilijaš – prečišćeni tekst ("Službene novine Kantona Sarajevo", broj: 20/09) i člana 99. Poslovnika Općinskog vijeća Ilijaš ("Službene novine Kantona Sarajevo", broj:2/10), Općinsko vijeće Ilijaš na svojoj redovnoj 18. sjednici održanoj dana 29. 04. 2014. godine, donijelo je:

**ODLUKU
O UTVRĐIVANJU INTERESA ZA ORGANIZOVANJE I
ODRŽAVANJE MANIFESTACIJE KULTURE, SPORTA
I TRGOVINE "ILIJAŠKI DANI"**

Član 1.

Utvrdjuje se da je za Općinu Ilijaš od interesa organizovanje i održavanje Manifestacije kulture, sporta i trgovine "Ilijaški dani" (u daljem tekstu: Manifestacija).

Član 2.

Načelnik Općine Ilijaš će svake godine posebnim Rješenjem imenovati Organizacioni odbor Manifestacije od 7 (sedam) članova, koji sačinjavaju:

- Direktor JU "KULTURNO-SPORTSKI CENTAR I RADIO ILIJAŠ"-predsjednik
- Predsjedavajući Općinskog vijeća Ilijaš-član
- Pomoćnik načelnika Službe za prostorno uređenje i stambeno komunalne poslove-član
- Pomoćnik načelnika Službe za društvene djelatnosti-član
- Komandir policije Pete policijske uprave-Policijska stanica Ilijaš-član
- Rukovodilac Radne jedinice Ilijaš KJKP "Rad"-član
- Direktor OJ "Dom zdravlja Ilijaš" JU "Dom zdravlja Kantona Sarajevo"-član

Predsjednik i članovi Organizacionog odbora neće dobivati naknadu za svoj rad i angažovanje u Organizacionom odboru.

Član 3.

Manifestacija će se održavati svake godine, a vrijeme održavanja i dužinu trajanja određivat će Organizacioni odbor.

Član 4.

Organizacioni odbor je dužan sačiniti detaljan Plan i program održavanja Manifestacije sa nosiocima aktivnosti i predložiti ga Općinskom načelniku na usvajanje, najkasnije 15 dana prije početka Manifestacije.

Član 5.

Organizacioni odbor će imenovati Komisiju za korištenje i izdavanje javnih površina (u daljem tekstu Komisija), koja je isključivo nadležna za korištenje i izdavanje javnih površina u periodu održavanja Manifestacije.

Javne površine koje će se koristiti u periodu održavanja Manifestacije, a koje će se definisati posebnom Odlukom Organizacionog odbora, ustupaju se Komisiji bez plaćanja naknade za korištenje javne površine Općini Ilijaš.

Član 6.

Nosioc aktivnosti na pripremi i realizaciji Manifestacije je JU "KULTURNO-SPORTSKI CENTAR I RADIO ILIJAŠ".

Član 7.

Nadležne Službe za upravu Jedinštenog općinskog organa uprave-Općine Ilijaš, Javna preduzeća i ustanove čiji je osnivač Općina Ilijaš će JU "KULTURNO-SPORTSKI CENTAR I RADIO ILIJAŠ" pružiti stručnu i drugu pomoć, u cilju što uspješnije organizacije Manifestacije iz člana 1. ove Odluke.

Član 8.

Ministarstvo prometa i komunikacija Kantona Sarajevo će na zahtjev Službe za prostorno uređenje i stambeno komunalne poslove općine Ilijaš, u vrijeme održavanja Manifestacije utvrditi poseban režim saobraćaja, na gradskim ulicama u Ilijašu.

Radno vrijeme ugostiteljskih objekata u vrijeme održavanja Manifestacije je do 24,00 sata.

Član 9.

Finansijske transakcije Manifestacije vršit će se preko računa JU "KULTURNO-SPORTSKI CENTAR I RADIO ILIJAŠ", otvorenog kod Vakufske banke DD Sarajevo-poslovnica Ilijaš.

Član 10.

JU "KULTURNO-SPORTSKI CENTAR I RADIO ILIJAŠ" se obavezuje da iz prihoda Manifestacije:

1. finansira sportske i kulturno-zabavne sadržaje obuhvaćene usvojenim Planom i programom održavanja Manifestacije,
2. finansira sve ostale troškove organizacije Manifestacije.

Član 11.

Organizacioni odbor i JU "KULTURNO-SPORTSKI CENTAR I RADIO ILIJAŠ" dužni su u roku od 30 (trideset) dana od završetka Manifestacije iz člana 1. ove Odluke usvojiti Izvještaj o organizaciji, toku, prihodima i rashodima Manifestacije.

Usvojeni Izvještaj JU "KULTURNO-SPORTSKI CENTAR I RADIO ILIJAŠ" dužna je svake godine podnijeti Općinskom vijeću Ilijaš kao zaseban dio godišnjeg Izvještaja o radu i finansijskom poslovanju JU "KULTURNO-SPORTSKI CENTAR I RADIO ILIJAŠ" ILIJAŠ za prethodnu godinu.

Član 12.

Danom stupanja na snagu ove Odluke, prestaje da važi Odluka o utvrđivanju interesa za organizovanje i održavanje Manifestacije kulture, sporta i trgovine "Ilijaški dani" broj: 01/1-02-1778-12/11 od 31.03.2011.godine («Službene novine Kantona Sarajevo», broj:9/11).

Član 13.

Ova Odluka stupa na snagu danom objavljivanja u "Službenim novinama Kantona Sarajevo".

Broj: 01/1-02- ~~368~~-3 /14
Ilijaš, 29.04.2014.godine

